

ptentrione mare Ægyptiacum quod est inter Græciam, Asiam minorem & Ægyptum ipsam: ab Ortū Mare rubrum, vsque ad Rhinocoruram urbem, quæ est vltima versus Palæstinam: à Meridie Æthiopiam, quæ non longè à Syene supra Nilum incipit: & ab Occasu Tripolitanam prouinciam, quæ est pars Africa propriæ dictæ, à qua diuiditur per lineam ductam ab Aris Philænorum duorum fratrum, vsque ad Catabathmum, siue interiorem sinum Sirtis.

II.
ÆGYPTI DI-
VISIO.
a Amm. Marcell.
lib. 22.

Porro tres prouincias Ammiano fertur habuisse temporibus priscis, Ægyptum ipsam, Thebaïdem & Libyam: quibus duas adiecit posteritas, nimirum Augustamniam, ab Ægypto, & Pentapolim ab Lybia ficiore dissociatam. Sed postea Arcadiam sextam prouinciam addidit ab Arcadio Imperatore nominatam.

b Ex Notit. Imp.
Rom.

Eundem prouinciarum numerum habet in Ægypto Notitia Romani Imperij, cuius verba sunt:

*Sub dispositione viri spectabilis Præfecti Augustalis, prouinciæ
infra scriptæ.*

Libya superior.

Libya inferior.

Thebaïs.

Ægyptus.

Arcadia.

Augustamnica.

Quod continetur inter Agathosdæmonem & Bubasticum amnes, id propriè & specialiter Ægyptus dicitur, vt ex Nouella s. Iustiniani discere est.

Augustamnica extra paruum Delta inter Nilum & Arabiam Petræam iacet: dicitur autem Augustamnica, quasi fluuiialis prouincia, quippe quæ iuxta ripas fluminis sita erat.

Thebaïs à Thebis celebri ipsius antiqua Metropoli nomen habet: & vsque ad Syenem versus Meridiem, iuxta Nili ripas, extenditur.

c Ptol. ibidem.

Arcadia extra Delta est Libyam versus, Nilo tamen adhærens, à Ptolemæo in Libya Marmarica collocatur, à quo & Heptanomis dicitur quod septem haberet Præfecturas, quæ Nomi in Ægypto vocabantur sicut & Heptapolis à septem ciuitatibus Nilo adiacentibus, quæ variè à varijs numerantur.

Lybia scilicet exterior, duplex est, vna dicta Marmarica, quæ ab Ortū Ægypto terminatur, ab Occasu Cyrenaica, seu Pentapoli, à Meridie desertis Libyæ, & à Septentrionibus Ægyptiaco Pelago.

Altera Libya Pentapolis dicitur, à quinque eius præclaris urbibus, Berenice, Arsinoë, Ptolemaïde, Apollonia & Cyrene, à qua etiam Cyrenaica vocatur; terminosque habet ab Occasu lineam ab Aris Philænorum ad Catabathmum ductam; à Septentrionibus Libycum mare; ab Ortū lineam ductam à Darnis versus Meridiem vsque ad desertum Libyæ interioris, quæ hanc terminant à Meridie.

d Iustinian. Nou.
s. & edicto 14.

Attamen Ægyptus in duas prouincias postea diuisa est, vtrique seruatò Ægypti nomine, vt legitur apud Iustinian. qui etiam duas Augustamnicas ponit, licet vnam tantum agnoscat Notitia, quam ab Ægypto Gratianus